

تَرْفِيقَاتُ



پنجشنبه کونلری چیقار، فنون، ادبیات، صنایع و تجارتدن

بحث ایدر مصور عثمانلی غزته سی

سر محرر و مدیری: احمد احسان

در سعادتده نسخه سی ۱۰۰ ناره در

عدد ۸۵

پنجشنبه — ۱۵ تشرین اول سنه ۱۳۰۸

ایکنجی سنه — دردنجی جلد

غزته یه مذرج امضاسز باجمله مقالات سر محرر کدر .

اعتذار

آوروپا قطار لرینه وضع اوننان قرانته مدتدن دولای غزته من بکنلده ایکی هفته برنجی صحیفه سی رسم ایله تزیننه موفق اوله مامشیدی ؟ هر تقدیر اونندن صکره اوروبادن کلن قالیلمزک ورودی یولنه کیرمش ای دیسه ده پشته قولراسی مناسبیله بو هفته وارد اوله حق رسم لریمزینه تأخره اوغرامش اولدیغندن ناچار اشبو نسخه مزک برنجی صحیفه سی رسمز قالدی . درونه عائد تصاویر مخصوصه یرینه دخی بشقه یدک رسم لر درج اولندی . بو خصوصه قارئین کرامک عذر دیلر وایلروده تلافی ایتمک وعیدی ایدرز .

استانبول پوسته سی

وزطارک مرمره دستنده هبوسه قاج کونلردر دوام ایتمی بوسه عزیمت مخصوصنده غایت

نازلقمده اولاره یازده بزنی دهان یازده استفاده ایتمه بیور ، واقعا شو حال اهل ذوق ایچونه شطابت ایله هک شی دکدر ، هله عنایت ربانیده اولدوق درت کونه اول کوردیکمن کثرت بارانه ، زراعتک بوزینی ایچمه کولدرمه اولدیغی ایچونه قیشک هوای بار دبله محاط اولدونه اول ، لدرسی سایه ننده شوبله برتاج هفتدر دها صوک بهاردره مستقیم اولوق غوش کیمیه هک حال دکدر .

* موسم صیفک زمانه معیننده ریاده دوامی خاطر مه بر فخره کتیردی . غالباً

دورانه عرب لره یوکنلور . حتی دونه صباع سرکه چیده بر یاده به آنتلامقه ایلی زحمت هکدم . لکنه به سزه برشی سوبله عجمی ؟ هله نه زمانه بر کوچ قایغی دیا عرب سی کور رسم ، او عرب ایله قایق صاهبی صانکه به ایتمش کبی بر شتمک « طاس » نه دوشرم . دنیاده بر به کیدوبده « بر شتمک » قدر بنی معذب ایده شی اولدمن ، ابار شتمک بر کیمه سور رسمه ، ولو بر ساعت اولسونه ، بنم تحمل ایله هکدم شی دکل !

* صوبج ! بوهفته بردها تحمل ایله به هکدم برشی یایدم . بزم بوغاز ایچنک « صید بحری مر اقلیلری » دها دوغریسی « لوفجی » لری بر یاغموور یاغوب دکز بولانسه « سیر ایله سن هکیشی ! » دیور لردی ، اشته ارمبارک یاغدی ، هلم مطلوب اوزره یاغدی ، سار اهل زراعت کبی لوفر جیلر آرزونه موفق اولدیجی دبه صور بیور سکزد کلیمی ؟ ادر اقمه به ده دوشم یاغموورک ایچمه یاغدیغی کونه کویمژک بر « لوفجی » نه صور دم ، « — جواب نه هاجت ، اقسام پیورک ! » دیدی . اه ! نه ده بردفهد اولسونه محبسه ک یذرتار لاسنده کچک دیدکلری کبی به ده بو موسم صیده بر کرده هک « اولطه بدست » بولنیغی آرزولدم ، « اقسام بالغه می ، صباع بالغه می ؟ » دیدی

کجه نه ایدی ، اله او کونکی اوراق هوادنده برنی اشمیدم ، ستونه هوادنه کوزک زبیر کمه قیر لافچیلرک تقرب موسم متا صبیله محالک هاره به دوغری هکیمه کیمتسه اولدقلری فخره . شی اوقودم . بر آرز صوکره سواقعه هبقدم ، نه بقایم ؟ اولطیف قوشلر سرعت فوق العاده لرله سواقعلک بر باشنده بر باشنه دوغری ، اونوشرک او عجمیور لری ؟ عجمیا قیر لافچیلر کیری کلیدیلده او کونکی غزته نک ویردیکی هوادنی اصلن کونتر مکنی استیور لر ؟ خیر ! غزته محوری موسمک هلولنی دوشنرک ، ستونه هوادنی دولدریمو ایچونه اوقات نماده اوقفده بی نقل ایتمه ، هالبوکه قیر لافچیلر اوقات نمانک ارئه ایتمکی ایام هرکننده زیاده هوانک درجه مساعده نه دقت ایله دوشنایه لرینه کیدر لر !

* بالکنز موسم صیفی بوغاز ایچنده کچیره اهل ذوق دخی هوالرک مساعده دار . رانمده هوقلوق هواله سمع اعتبار ایچیرک شتایله کید بیور لر ، ایکی هفته در بوغاز ایچنک ایکی جناهنده سوزولوب کلنه کوچ قایقلری استانبولک مختلف اسکله لرینه یناشیور ، بوکلر ، اوک طرفه وضعیت لاقیدانه لرینه قطعاهل کتیر بیرک او کونلری




بسه در حال اقسام دیم ، زیرا اقسام
بالغی غریبه اعتباراً ساعت بره قدر سور
صباح بالغی ایسه شفقده اول فراسه راضی
نك اید « صباح آیزی » اید ارقداشلف
واسه در کبر « صباح بالغی » خاطر ایچوره
دوغریسی « صباح آیزی » نك تعبیراتی
چکلمز ! سزده بر دفعه دکن بوزی کورده
اولطمی حاضر دم ، مسینای غاغده ،
زوقای مپوده بکیر دم ، اهل مراق
قومشوه رفاتند دکنه مقدم .

نه دبرسکن ، بوسنك سلج کوی
آوهیغفنگ بوده بالقیغنی اولطمی ؟ یاغزده کی
صندالدرده بر دانه نك اولطه هیکلکی
کورسم ، بالفك بول اولدیفی حقیقتی
نسلیم ایله هیکم . نکزه ! هرکن انظارده ،
انظار آتده سید مسه اما بالفك شوسوزه
قولوق آصه قدری بوق ، نرابت هر صندالده
اقشام بالغی اولطمی سنده کی اسباب ، قری
رمنا کره اولغنه باشودی . کیمی « یاغفور
آزکدی ! » کیمی : « درس آقنتی بغلی
قنالوردی » دیدی ؛ سردارانده مرمظانك
مقبولیت دیا مردوبنی ده تقیوم ایلدی ،
مخصوصه کلام آج قارنه دکن اوستنده بر
جوق نعلاتی مرمظانک دنیقانه صکره
صندالزك اوج اولطمی جمعا یکنه بر لوفز
آر یلمسه اولوق عودت ایتك . هب
دبره بم که اولك لوفزده بم اولطمه دوشمه
دکدی .

صباهلین وایورده کیم بالقیغری
نکرار کوردم . به اقسامکی عدم موقیغه
بمه حاضر لئمه ایله برلرینه : « بواقشام ده
فنا دکدی ؛ دت بسه قدر اولدی ! »
دیکلرینی ایشتم ، ضمیر اولدم . واقعا
صباهلین بزم صفره ده دخی دت لوفز
بشمه ایلی ، فقط اوج اولطمه بر « لوفز »
صیدی مشکلات اید قابل اولدیفی مالد

موردت لوفزی بر عدد « چاریک » اید ازغره
اوسته دوشورمه ایبلر . کومسه اولطنك
مخاصمی ده بشق !



هواده نه قدر فنا . ذاتا اوج کوندن بری
یاغوروقادبولولتری استانبول خلقنی کونشك
نشئلی اشعه حیاتیورندن محروم بر اقسدر .
بو اقسام ایسه صوق هر زماندن شدتلی .
میزان الحاراه تحت الصفر همان ایچی درجه به
اینك ایچون بولولترک بر اشارتیه باقور .
قار بوران بوران یاغور . روزکار شدتله
هبوب ایلیور ؛ برده کی قارلری طاقبله
صاچاقلره ، داملرده کی قاری برلره صاوو-
ریور ؛ زمین سرتابیا « سفیدپوش برودت »
اولمش . قوشلر یووهرینه ، انسانلر صوبا
باشلرینه صیغتمش .

طوبخانه ده فیروز انا محله نك اوفاق
اوزون بر سواقعی . شوپله بر زمانده
بوسواقغك حالی کورمه سزادر . ایچی
کچلی خانه لرك صاچاقلری بر برینه یئممش
درجه ده گرفت . سواق ذاتا قارائلق ایکن
برده کیجه قارائلی بو ظماتی آرتیرمش ،
اویله برطل کشف ایله قارک بیاضی بر-
لشنجه حقیقه قورقونج بر منظره پیدا
ایتمش . خانه لردن کیمینك دیوارندن رخنه
لر آچلمش . . قاره جاموردن یایمه مولوز
دیوارلرك بوروزلرینه ، یاموق اکلش کی ،
قارلر قومش ؛ بعض اولرك قاپلامه تحت .

لرندن بر قاجی چوریمش ، قومش اره لرنده
سرجه لر یوا یایمش ؛ خانه لرده پنجره لر
خراب قفسلره اورتولمش . ساعت یارمدن
صکره شو دار سواقغك ایچنده براوجکزك
اوداسی .

سواقغك منظره قسوت انکیزینه کیجه
قارانلقیه برابر جان اوزجی برصمت وسکو-
نت منضم اولمش . اودا غایت خراب ، بر
طرفی کویا پنجره شکنده بر قاج دیکلی ؛

بو دیکاره فقط قار کی تمیز آستار برده لر
کرلمش . دیوارلرك اوته سندن بری سندن
صیورلر دوکولمش ، آتلرندن سرک بغدادیلر
میدانه چیغمش . دیوارک بعض برلری طاوا
ندن دوشمه به قدر یاریلوب آیلش ؛ کویا
بو جاتلاقلر غزته بارچه لرله قایتمش . پنجره
نامنه انجق شکلری حسیله کسب استحقاق
ایدن چرچیوه لرده کی جاملرک اکثریسی ده
کاغذلردن عبارت .

نجره لرك قارشیننده کی اگری بوکری
دیوارلردن اگری بوکری . تحتله لر
چاتلاق برقایی آچلمش . قاینك صاغ ،
صول طرفلرند کیرلی ، چورلک تحتلردن
یایلمه یوکار ، دولابلر .
کوشه نك بریسنده بر ایپ کریلمش ،
اوزرینه قارمه قاریشق صورده البسه
فلان اصلمش . بر طرفه بوبوک ، کیرلی
یشیل بویالی عادی بر صاندق قونلمش ،
دیگر کوشه به یاقاقلر بیغلمش .

بره پارچه پارچه کهنه خالیلر سرلمش ،
شورابه بورابه بر ایچی پوستکی آتمش .
طاوان غایت آچاق ، زیهلری قومش
دوشمش اولغله یاریق یاریق قالمش ؛ هله
قاینك بولندینی بوله دیوارنك بر طرفی
چوکش اولغله اوطرف طاواندن آیلش .
دانه سی اون پاره به باغ ، واملرندن
بریسی اوزون قیل ایله کوشه نك برنده
سونوک سونوک یانوب دوریور ؛ بوقورقچ
آیدنلق بوز کی صوق اولان اودانك
ایچی توپلر اورپرده چك ، قان طوگدیره .
جق درجه ده بر شبه ظله مستغرق ایتمش .
نجره لرك بولندینی طرفه پارچه
پارچه ، رنگابز و فقط غایت تمیز اورتولی
برکروه و مندری ، اومندرک بر کوشه سنده
قارمه قاریشق صورته قاسناق ، چاشیر ،
دیکش طاقی ، چوجوق بزلی طاقی
بیغلی . مندرک اوتکی اوچنده ایسه کوشه
نجره سی اوکنه اوطورمش ، نیم ظلمت
ایچنده ، یان رسمی خیال میال کورونور بر
کنج قادین . ایغنك دیننده کوچوک بر
بشیک ، ایچنده مثل مثل اویور مینی مینی
بر معصوم .

هواده ذاتاً امینه به هرجهتجه کفو
ایدی . فقط ازدواج کیفیتی سرمایه سنی
تزیید ایتدکن باشقه خلیجه تقیص ایتمکه
بالطبع قازانجی ده اونستده اکیلمشدی .
بولندن باشقه اولدن یالکیز نفسی بسلمکه
ایکن اندیشه معیشتی آرتمشدی .
بزم عادتمزك محتاج اصلاح شوچهتی
وار ، ارباب صنعت ازدواج بولنده سرما-
به سنی تقیصه مجبور اوله رق بالطبع حدود
تجارتی کوچولتمکه . حالبوکه غایه عالمه سنی
معکوساً متناسب بر صورتده آرتیرمده در .
بر بوجوق سنه صکره میدانه نورطوبی
کی « نوری » کلمشدی ده فقیر عالمه نك
یوزی بوسایه ده براز کولمشدی .
اما نوری ده نه نوری ! آناسنك
کوزلکی ایله باباسنك تندرستی وجودینی
جمع ایشدر .

هنوز نموده ایسه ده ذکاسی ، قابلیتی
آثارینی ایدن اینی به کوستروب دوره مقده در .
لطیف غمزه لری اودرجه خنده نما درکه
بوخنده لطیفك تخلی بیله انسانی برمدت
بختیار ایدر . اوتسملره واقف اولوبده
انسانك یوزی کولمه مک ، کوکلی آچلمامق
هان ممکن دکلدر .
امینه بر حسن طبیعی در . « حسن
فقیرانه » ده دینله بیلیر . زواللی قادین
خیالنه ایچنده بولندینی عالم معیشتدن ده
پارلاق بر عالم کتیرمکدن بیله عاجز اوله جق
درجه ده فقیرانه بویومشدر . بو جهته له
بولندینی حالدن هیچده شکایتی بوقدر .

هم بویله بر شکایتی تقدیر ربانی به قارشی
کبازدن عدایده چك قدر صلابت دینیه
صاحبدر . بویولده تریه کورمش ، بویله
بویومش اولان صاقللر قادینلر هپ بویله
صلابت دینیه صاحبی اولورلر ؛ بختیارده
اولورلر .

امینه نك فقر وسفالت سیسلی ایچنده
حقیه انبساطدن محروم قالمش اولان یینك
حیات وحسیاتی اوزرنده کی تاثیراتی غایت
مهم بر تاثیردن عبارت قالمشدر .

آنك ایچون دنیا شو فقیر خانه دن
واولسه اولسه استانبولدن عبارت اولوب
بودنیه ایچنده ده بر زمانلر صاغ ایکن شمدی
احتمال « طوپراق اولمش » بولان باباسیله
آناسندن و بولرندن صکره سوکلی
قوجه سیله مینی مینی نوری دن ویک پک بر
ایچی قومشودن باشقه طانیدینی ، قونوشدینی ،
امیدوار اولدینی کیمسه چیکی موجود دکلدر .
قدرت ذهنیه سی قرآن کریمی هجلیه

هجهلیه او قومقدن ، مستحضرات فیکریه سی
بر ایچی نماز سوریه سیله بر ایچی دعادن عبارتدر .
براز قناوچه بیلیر ؛ بیچمده بیلیر . یئک
پشیرر حاصلی اوچکیزی ادار ایدر . بوش
وتلرینی اوته کنك بر یکنك دیکشنی دیکمک ،
چوراب اورمک ، یازمه یعنی بویامق ،
قناوچه ایشلمکه کچیرر .

بتون امیدلری ، بتون هوسی قوجه
سیله یاوریسنه منحصردر . ایشته بوکیجه ده
نجره کوشه سنه بوزولمش قوجه سنك بولنی
کوزه تلپور . قلی چاریبور ، سوکلی
قابابور . فقط کوزی سوکلی یاوریسنك
پارلاق چهره سنها صابت ایدنجه ایچندن
دوغری لطیف ، طاتی برحسك قاباروب
کدیکنی دویمده در . بو حسن رقیق اعصابی
قیجقلا دججه کویا بر « غشی محبت »
دالوب کیدورم صانیور .

بر طرفدن شدتلی بر فورطنه جاملره
کویا کوره ک کوره ک قار صاوورمده ،
دیوارلرك دلیکندن دشیکندن زهر کی
صوق ایشلمکه ؛ موم ایسلی بر دونوق
علوله قسوت انکیز صورتده یاقمده در .

زوجی ایسه کیکمکه در . وقت کیدیکه
امینه نك اضطرابی آرتیور . برنده اوطو-
رهمیه جق درجه ده یزار اولور . قلمنك
چاربتیسی اللریله توقیف ایتک . حسیاتی
نفسیله بوغوق ایستور ، فقط اولبور .

کیجه نك ، سواقغك شو سکوت
مدهشی ، اودانك شومنظره هول انکیزی
ایچنده یوره کنی بر قورقو آمشدر . بعضاً
صانکه سیاه سیاه کولله لر اوزرینه هجوم
ایدیورمش کی کوزلرینی قاپوب مدهش
برسکون ایچنده دورمده ایدی .

هول جان ایله برندن فرلایوب بشیک
اوزرینه آتدی . کویا سوکلی چوجغنی
کولکله قارشی حمایه ایده چکمش کی
تویلری اورپرمش ، کوزلری پارلامش
ایدی .

والدهک غیبتی ، والدهک شفقتی ،
کلوبده اخذ جسارت ایتمش شو فقر
و ضرورت درمسعودیتده کورمیلی !

امینه نك شو وضع شفقتی بر مدت
دوام ایتدی . فورطنه براز کسب سکون
ایتمشدی . قانچغز حسیاتی طویلا دی ؛
فکریته برسکوت و آرامش کلدی .


یاورینجنگ پارلاق یاناقلرندن بختیارانه
بوسه چین اولدی . نوری حالا راحت
راحت او بومده ایدی .

امینه برمدت یاوریسنی نفسیله ایصیتمه
اوغراشدی . بو صروده قولاغی هپ
سواقده ایدی .

براز کچر کچمز درین سکوت ایچنده
« طاق طاق طاق » دیه بر برینی تعقیب
ایدر اوج حزین سس ایشیدلدی .

امینه نك کوزلرنده سوبینج نورلری
پارلادی ، چهره سی نماشانه دوپولماز بر
منظره متبسمانه پیدا ایتدی . « شارق »
دیه قانی ایینی چکمسیله طانغراق دیه بر
کورولتی چیقدی . قانچغز اودا قایسندن
دیشاری فرلایه رق قوجه سنك بویته
آتدی . بوز کی طوکش ایچی دوداق
یکدیگرینه نقل حرارت ایتدی .

صالح اودادن ایچری کیرنجه دوغری



رومانیا قرانك برادر زاده سی پرنس فردینان

ونشانلیسی پرنس ددیپورغ

بشیکه کیندی . اکیلدی مینی مینی نوری بی اوبدی . چوجق کوزلرینی آچدی ؛ اوکوزل غمزله رینی کوزلرینی باشلادی .

صالح اودانک ایچینده دیشاریسی قدر صوق بولنجه ایچندن دوغوب کان بر آه ایمانه بی ضبط ایدهمدی . کوزلرندن ایکی دانه پارلاق یاش قطره سی کلشدی .

زواللی اصناف ! آقشامه قدر چالیشه چباله النه کیره بیلدیکی اوج غروش ایله براوقه اکمک . راز پینیر ، زیتین ، باغ ، پرنج ، صوغان ، بر موم ومینی مینی نوری به بر اوج قدر سودلی لوقوم آله بیلیمش و فقط بقساله یارین ایچون آتیش یاره بورجلی قالمشدی . هر کیجه اکمک پینیر ایله وقت کیمزیا ، هفته ده ایکی کیجه اولسون برایی قاشق چوربا ویا پلاوده یئلمزسه معدمه نصل تحمل ایدر ؟

ایمنه ال امکی اوله رق مندرک بر کوشه چکنده اوتوز غروش قدر سرمایه بریکدیرمش ایدی که بو سرمایه صرف نوری ایچون براحتیاط قه سی اولق اوزره کال اهتامله صافلامقده ایدی .

براق کوندور صالحک قازانچی آزمیش ، شدتلی صوقلر آتیش ویریشه خیلی کساد ویر مشدی . اول ایچنده بش آتی غروش قازانندی کونلردن قاله اوله رق اون اون بش اوقه

کومور ، برایی اوقه صابون ، بر قاج اوج قاوورمدهن باشقه مالزمدن اثر بوقدر ، خانه دیدیکم شی ایسه ساده بر بر اوداسیله دار بر جولیدن عبارتدر .

هیچ دکلسه نوری بی یاغشندن ، صودن محافظه اتمکده اولان بوبیناچق صالحه باباسندن قالمشدر .

صالح آه اتمکده ، آغلامقده پک حقلیدر . کونده اوج بش غروش قزانه بیلیمک درجه سنده بر ثروت ایله اوج جان بسلمکده کی مشکلات قارشیشنده اک متین فیکر لر بیه وقف خالجان اولور .

واقعا یشایورلر وکال صنفوتله ایمان ایتدکلی الله لرینه حمد و ثنا ایدیلورلر . فقط معلومات فیکره سی امینه دن واسیع اولان صالح شوصورت معیشتک نه دیمک اولدیغی ، نتیجه سی نه اوله جفی پک کوزل تقدیر ایتشدر .

آدام ! ... امینه قدر کوزل بر قادین آچیقده می قالیر ؟ ... ایلی اوپنک حدی حسابی بولور ؟ فقط فیلسوفلغک بو درجه سی ده افزاطدن .

ایمنه در حال قیریق بزساج مانعالده بر ایکی کومور طوتشیدردی . گویا بر پلاو پیشیردی . اورته به تیزجه بر صوفره بزی بایلدی . اوزرینه دکرمی بر کوچوک خامیر


تخته سی قونلدی . براوقه اکمک پارچه لوب اطرافنه دیزلدی . بر ایکی باش صوغان قیرلیدی . پینیر ، زیتین ، پلاو تجره سی بر اشد برلیدی . ایکی کتشی قارشق قارشویه طعامه باشلادیلر .

طعامک شوساده لکی ، شوصعیفلکی ایله برابر امینه سوکیلی قوجه سنک نارشیشنده ، مینی مینی اوغلوکک یاننده اوقدر متلذذ اولمقده درکه حقیقه سوزلرم مبالغه حل اولنه بیلیر . فقط دیدیکم وجهله قادیخجیز فقر و ضرورت طوبراغنده بیتش ، فقر و ضرورت کونشی آتنده آچلمش بر چیچکدن عبارت ایدی . اک ایچون حیاتک بوندن ده باشقه درلوسی متصور دکلدی .

قناعه تکارانه طعام لرینی اکل ایتدیلر . چوربا پیشیدیکی صروده صالح آبدست دلمش آقشام نمازینی ادا ایتشدی .

یتمکن صکره نفس لرینک حرارتیه ایصنمق امیدله قاری قوجه مندرک بر کوشه سننده بر برینه صارلدیلر . نوری ینه درین بر اویقویه دلمش ، کم بیلیر نصل معصومانه وختیارانه اویقو ایچنده نازلی نازلی تنفس اتمکده بولتمش ایدی .

ناظم



تربیه اطفال نقطه نظرندن بوشنک حائز اولدیغی اهمیت درجه اولاده در . بونک ایچون اول امرده آنا کله سنک هیئت اجتماعیه صورت تطبیق و توفیقی کوزدن کیره لم : آنا طفلک تربیت یاب کال اولدیغی وجود ایسه ده هیئت اجتماعیه مباحثی بو وجودی صور عیدینه سنه کوره قبول ایتشدر . تربیه حاضره نک ایجابات میرمه - سندن اوله رق فنون اخلاقیه آنای مرنیه طفل نامیله توسیم ایدر . بناء علیه بونک فصول متعدده به تقسیمی لازمه دندر .



A. BARNOIN 1890

صنایع نفیسه دره : تابیر : صنایعی — نه اعمد اوریلرم وار !

تاریخ مادر بشر ایله اشتغال ایدن حکما وعلما انسانی یکی قسم مخصوصه آپر مشدر . بویکی قسمک بری قبل تاریخ انسان ، دیکری تاریخک دائره اطلاعی داخلنده بولنان انساندر . انساب بشرک آثار و فعالیت مخصوصه سنی ناطق اولان حجج تاریخیه ایله مبتدرکه جمیات مقدمه و اخیرده قادیسک اجرا ایتدیکی وظیفه غایت مہمدر ، بواہمیت نسوانک درجات متفاوتہ اولمق اوزره ارکک ، قادین یتشدر مہ سندن ایلر و کلیور ، حتی حکیم شیر دارون بیلہ وظائف حیاتیہده مسئولیتک بوجنسه عایدیتی تصدیق ایلمشدر . فصل بوجنسه عاید اولمسو کہ ارککک ادامہ حیات بشر و تکثیر نسب ایچون بر اقدینی نطفہ نک نشو و نماسنہ ، وجوده کتیروب ارضاع و تربیہ سبہ والحاصل مساعی حیاتیہ ایله ابتلافسہ آنلر مجبوردر . دیمک کہ قادین زوجہ اطاعت و وظیفہ سی آلتندہ اوله ورق تکثیر بی نوع ایچون بر پرستار طبیعی ودا - ٹیدر . شو مسئلہ بی بر ازدها تعمیق ایدر - سہک قادیسک اہمیتی ایضاح ایتس اولورز : حیات ، طوغریدن طوغری بہ وجودک فعال و متحمس بولمسی اولدیغنه کورہ ہر زمان تبدلات و تحولاتدن عاری اولہ ماز . وجود بشری ماکنہیہ تشبیہ ایدنلرہ وار ایسہده بوتشیہ جهت ایضاحی کوزہ دیلہرک وارد اولدیغندن اہمیتسدر . حیاتک مستقر الجریان اولہ بیللمسی ایچون فعالیت مخصوصہ سنی اصول منتظمیہ توفیق ایتک ضرورہ ریدر . بورادہ اصول منتظمہ دیہ یاد ایتد - یکمز تربیہ ثلثہدر .

والدہ قبل التولید اوج وظیفہ مہمہ تحت تأثیرندہ بولنور . وظائف ثلثہ مذکورہ نک برنجیسی محافظہ سحت ، ایکنجیسی نشو و نما جین انسانسندہ وظائف طبیعیہ و فطریہ بہ تمادی دقت ، اوچنجیسی سرایت امراض وانتقال علل کبی حیات نوزادی تہلکہیہ آتہ حق مہالکدن صیانتدر . شو مطالعہ مزندن مستبان اولہ جقدرکہ

چو جق ہنوز مشیمہ نشین ایکن والدہ چو جقنی یالکز تربیہ جسمانیہ بہ مجبور طومقلہ مکلفدر . بطن مادر ، چو جقک اک امین ، اک سلامتی محلی اولسی طبیعت امورین اولمقلہ بوجنہ سنی تکامل ایدن والدہ لر اولادینی تربیہ جسمانیہ نقطہ نظرندن ولو بدایہ اولسون تربیہ ایدہ - مامش اولورلر .

جین مشیمہ دە بولندیانی آتادہ تربیہ جسمانیہ بہ مظهر اولورسہ بوندن سحت و سلامت وجودک بر مزیت جسمانیہ قازانیرکہ طوغنچہ کرک تشکلات عضویہ و کرک مکملیت دماغ خصوصندہ خیلی مسافہ قطع ایدر . اولہ چو جقلر کورولمکدہ درکہ ہنوز طقوز ، اون آیسق ایکن یورور ملکات عقلیہ جہ بر یچق یاشندہ کی اطفالہ قریب بولنور . پدر و مادریک جینک تعضوات و تشکلات بدنہ جہ ایفاسنہ مجبور اولدقلری وظائف متقابلہ کتب صحیہہ بر تفصیل بیان ایدلمشدر . حتی حدیثا اطبا مزدن رفعتلو بسیم عمر یک افسدی بوبایدہ برسالہ نافعہ قلمہ آلہرق و پک چوق مقالات مفیدہ تحریر ایدہرک کتبخانہ عثمانیزی تزین ایلمشدر . بزم مواد صحیہ حقدنہ اجالہ قلم ایتکہ قطعاً صلاحیتمز اولدیغندن کرک کندیلرندن و کرک سائر دو قنور آرقہ داشلر مزدن بوبایدہ معاونت طلب ایدہرز .

شوراسنی دە علی قبیل الاستطارد عرض ایدہ لکہ تربیہ بہ ماہک اولان بر والدہ ایلمہ جاہل بر آنانک چو جقلری آرزہ سندہ اکثراً مختلف مختلف حالات فیسیو لوژیہ و تشریحیہ کورولمکدہدر . حتی مشغولیت ذہنیہ سی فوق العادہ اولان بر پدرک چو - جقنی ایلمہ متاعب جسمانیہ آلتندہ ازبان بر بابانک چو جقلرندہ دخی بحال کورولمکدہدر بونک ایچون حفظ الصحہ دماغ مسئلہ لرینک تشریحی لازمہدندر .

چو جقک تولدی زمانی قادینلر مزک دیدیکی کی غایت مہم بر یکیددر . قابلہ صندالیہ سنہ قعود ایلمہ نزول آرزہ سندہ کچن

زمان حقیقہ کرک آنا و کرک چو جق ایچون حیات و بمات نامنہ اجرا ایدیلن بزوع عملیات اولوب چو جقک سقوط ایتدیکی اینک آغوشک غایت کریم ، غایت ماہر بر قابلہ قوجاچی اولسی مجاب ایدر . یوقسہ توکل مدبرانہ اولمازده علی العمیا طوغور تولورسہ چو جقک آباپندہ کور دیکری تربیہ جسمانیہ بر آندہ محمولق احتمالی داخلندہدر .

سائق طبیعتہ باقک کہ چو جق بستان مادردن بر قطرہ ایچر ایچمز اورادہ کی غدای مغدینک قوقوسنی مدت مدیدہ اونوتہ ماز . بوحس جیلدر . حتی بشقہ ہمہ آیشمق خصوصندہ دخی کوچلک چکر . یادرقاق تعبیر ایدیلن حال مخصوص چو جقک آناہ اولان ابتلاسی اثبات ایتدیکی کی برسود نینہ نک دخی دیگر چو جقنی استرقاب ایتدیکی ہر رقت کوزولن احوال مخصوصہ دندر .

حکم خفیہ آنا ایلمہ چو جق آرزہ - سندہ بر صورت خصوصیدہ تجلی ایدر بو ارتباط ہم طبیعی و ہم مدہ فطرلدر . انسباق طبع بوبایدہ اک برنجی وظیفہ بی اجرا ایدر . قانون طبیعی بورادہ ناطق اولدینی حکم شدیدہ تمامیلہ کوسترز .

اجدراسم

غدای بشر

آلمانیا جرائد مصورہ سندن بری ارباب تدقیقندن دو قنور (قارل فوخت) ک غدای بشر حقدنہ بر مقالہ ، مدققانہ سنی نشر ایدور .

غدای بشرک تاریخی دە تاریخ مدنی بشر کی بر طاقم تحولاتہ اوغرا مشدر . محصولات عضویہ جہتیلہ سطح ارض بر طاقم منطقہ لرہ تفریق ایدلمشدر : قطب شمال و جنوب جہتی اشغال ایدن منطقہ منجمدہ ، خط استوا طرفیندہ بولنان منطقہ حارہ و بونلرک آزلرندہ کی منطقہ معتدلہ . بشریتک بومختلف منطقہ لر دن

استحصال واقتطاف ایتدیکی غدادہ مختلفدر . افکار و تمایلات بشریہ تبدل ایتدیگہ و انسانلر بری بریلہ مناسبت و رابطہ لرینی توسیع ایلدیگہ انسانک صورت تقدیمی دە تبدل ایتشدر . حال ابتدائی دە بشریت اطرافندہ اکلہ و شر بہ صالح نہ بولورسہ بونکلہ اکتفا و قناعت ایدردی . اویقو ایچون صرف ایتدیگری زماندن قطع نظر اینک انسانلر آوان حیاتی سوق طبیعی ایلمہ ایفاسنہ مجبوریت حس ایتدیکی جوعنی تسکینہ واسطہ بولمق یعنی بیہ جک تدارک ایتکلمکہ چیرلردی . شہہ سز بوتجری و تدارک ما کولات بیکلر جہ انسانلرک بادئی موتی اولمشدر .

ابتدا بدویت حالتندہ بولنان و محدود بر قطعہ اراضی دە کشت و کذار ایدن انسانلر بر زمان دە صید و شکارہ باشلامشدر . فقط بو صید و شکار ہوسنک حصولہ باقہرق انسانلرک فطرتہ و خلقہ آکل اللحم اولدقلرینہ قرار ویرمکدہ موافق دوشمز . چونکہ انسانلر اکثر اوقات یالکز بیانی اولرلہ قوش بوبالریلہ ، یورطہ ایلمہ کچمشلدر . انسانلرک ہمک خصوصندہ اوبورلق درجہ سنہ وارملری یک اسکی زماندن بری کورلمش و بوحالہ بر مدت غدادن محرومیتدن صکرہ اللزینہ بردن برہ بولجہ ما کولات کچمسی سبب اولمشدر . الان آسیا آفریقا و امریقا واقوام بدویہ و وحشیہ سندہ بر قاج کونلر ہیچ ہمک یمیلر و بر فرصت دوشنچہ معدہ لری و قارنلری طاوول کی شیشنچہ بہ قدر افراط طعامہ کیدنلرہ تصادف اولنور . بشریت تدریجاً صیدایلمہ الفت ایدرک طعامنی دە بر آتشدہ پشیرمکہ آلمشدر . . . انسانلر آرزہ سندہ ال لذیذ واک مقبول بر طعام ابتدا بال اولمشدر . ابتدا بشریت بوسبیدن آریلرہ یک اعتبار ایتشدر .

انسانلر بدویندین چیقوب مدینتہ قدمندہ اولدقلری و توطن و تمکنہ باشلا - دقلری زمان فلاح و زراعتہ باشلامشدر و غدا سنہ و اعمال زراعیہ سنہ وساطت ایدن

حیوانانی دە کندینہ آلسدروب یانلرندہ باشلامشدر . . . اشته بو زماندن اعتباراً تقدیمی بشرمدہ بر حال اطراد وانتظام بدأ ایتشدر .

اقوام قدیمہ حال بدویندہ و صید و شکارلہ تعیش دورندہ حیوانات مختلفہ سودلریلہ تقدیمی بدہ طبیعی بیلمز لر ایدی . فقط چوبانقلہ ، چقتجیلکک الفت ایدن انسانلر ایچون اینک ، قویون ، کچی ، مرکب و کلب سودلری اک برنجی غذا برینہ کچمشدر . . . ابتدا انسانلرک بسلدکاری حیوانانک یالکز سودیلہ قناعت ایتدیگری وات خصوصندہ او اتلریلہ اکتفا ایلدیگری شمدی بعض اقوام وحشیہ - دە کورینن عادتدن استبدال اولنور . جنوبی آفریقادہ متمکن زولورلر قیون و صغیر کثرتلہ بسلدکاری حالہ بونلری انجق احوال فوق العادہ کسرلر . علی العادہ بونلرک حاصلایلمہ کچنیرلر .

زراعت ترقی ایتدیگہ بشریتک صورت تقدیمی و غدالریسک اصول طبیعی دە ترقی ایتس و آتشہ مقاومتی و ایچندہ طبع اولنان اطعمہ بہ ضرر سز قابل اعمالنہ موققت الویرنجہ اطعمہ نفیسہ ولذیذ میدانہ چقمشدر .

شومطالعائی بیاندن صکرہ دو قنور قارل فوخت بر آزدہ صورت تقدیمی و اصول طباحت نقطہ نظرندن تاریخ قدیمہ باقیور و اومروس دورینہ قدر ارجاع نظرندہ بولنور . بو دورہ یونانیلر چقتجیلک و باغچوانقلہ اشتغال ایتکلمکہ برابر کندیلری ایچون اک بیوک زوت حیوانات اہلیہ سوریلری ایدی . بوزمان ات ہر سفرندہ و طعامدہ غذای اصلی عد اولمقلہ باشلامش ایدی . یونانیلرک او اتلرینی سائر حیوانات اہلیہ اتلرینہ ترجیح ایتدیگہ داز بر صراحت بوقدر . ایکیسینی دە احتمال سیان طونیورلر ایدی .

شو قدرکہ اودورندہ باق صیددی دە خیلی ترقی ایتکلمکہ برابر باق یالکز ققرا سفرہ سنہ لایق کوریلور و برعائلمہ ایچون

بالقلہ کچمک علامت فقر و قاقہ طانیلر ایدی . . . لکن یونانستان نا بختک پارلاق دورلرندہ بونظر قلاماش و عموم باق ایلمہ الفت ایدرک سفرندہ باق بوانسدرمق لوازمدن عد اولمقلہ باشلامشدر . . . براینکی عصر مدت مدینت قدیمہ علاندہ ات موقع طومش فقط صکرہ لری سبزہ آلسدیغندن اتک اسکیسی قدر اہمیتی قلاماشدر . . . مع مافیہ رومالیلر زمانسندہ بالقلرک بعض جنسی فوق العادہ ہا ایلمہ صانیلہ جق قدر اعتبار کسب ایتشدر .

اومروس دورندہ طاوق انندن بحث بوقدر . فقط طوزک مدیاحی مذکوردر . شمدی اطعمہ بہ لذت بخش اولان صوغاندہ اوزمان معلوم دکل ایدی .

پتاس دورینہ قدر کلوب بومادہ مغدیلک اقوام مدینہ آرزہ سندہ اکل و صرفنہ باشلا - نلمقلہ تقدیمی دە عادتا برنجول و ترقی حصولہ کدیکنی سوبلدکن صکرہ دو قنور فوخت افکار آیینی سرد ایدیور :

زمانزدہ بوسبتون چقتجیلکک حصر عمر ایدن صقلردہ بیلہ ات ہمک ارزوسی حد نہایہ بی بولمشدر . ات حال حاضرندہ غدای انسانی ہمک اسامی در . بوکون اقوام مدینہ آرزہ سندہ ات ہمک ارزوسی ہمک اولمقلہ برابر اقوام وحشیہدہ بو آرزو حاصل اولمشدر . احتمال کہ اقوام وحشیہ بی یامیلمقلہ سوق ایدن اسابدن بری دە ات ہمک احتیاجی و بو احتیاجک صورت اخزلہ تسکینہ عدم موققتدر .

انسانلرک نہ جنس آندن خوشلاندىقلری حقدنہ بر قاعدہ عمومیہ درمیان اولنہ مز . اقوام مختلف اتلردن حظ ایدیورلر . مثلاً چنیلرک لذتہ ملحم کلابک اتی اکل ایتدیگری کی اسکیمولیلردہ دکز کو پکریسک اتی بشقہ برانہ دکشمزلر . لاپونیا لیلردہ - امکانی یوق - بر طاوشان اتنہ ال سور - مزلر . خنزیر اتی شریعت غرامزدہ بخوش اولدینی کی شریعت مرسادہدہ اکل غیر جائز و اورویا علماسی طرفندن دە بوکون

ضروری مصدق ایکن پولیٹریا لیلر بوکا آن
میتلادرلر .
عصر لرجه مدت بشریتک اغدبه
مخصوصه سنه برطم سکرین ویرن بل ایدی .
شکرک اورویا به ادخالی اهل صلب زماندن
سکره در .

قره بورده داخل اولوق اوزره بتون
بهارانک اورویا اطعمه سنه کیرمی تاریخری
قرون وسطانک نهایته مصادف . سناء عده
دها یک یکدر . بهارانک اورویا به نقل
وادخالی اورویانک ک زیاده ونیدیکک توسطی
سایه سنده هندستانه مناسبات تجاربه سی
کشایش بولدقن و برانظامه کیردکن سکره
باشلامشدر .

مقدما اطعمه و تغدی نقطه نظرندن
اورویا مالکی برطاقم اقسامه تقسیم اولتور
ومثلا اورویانک جنوب سکنه سی هندی
وطا ووقدن دها زیاده خوشالاندقلری
حالده شمالی لیرک قازاتی سودکلری و جنوبی لیر
زیتون یاغنه دها زیاده مبتلا اولدقلری
حالده شمال سکنه سنک تره یاغی دوشکونی
بولدقلری سولیدری ... بین الملل مناسبانک
کوندن کونه توسی سایه سنده اقوام مختلفه
آره سنده حاصلات مغدی نیکده مبادله سی ده
کشایش بولدقندن برملنک سودیکی غدایه
دیگری ده آلمش والبسه و قیافت مسئله سی
یواش یواش خصوصی اولمقدن چیقوب
عمومی رنگینی و شکلی المده اولدینی کی
اطعمه ده تدریجاً عمومیت کسب ایتمش و شمعی
پارنده . لوندرده سنلیدی صورتده قاهرده
سینغاپورده ده طعام ایلمکده واصناف
النک تریله قراندینی ناپاره نیک اونی کندی
ملکته سی حاصل اولدینی ، یاخود
روسیده سی ، آمریقاندینی کلدیکنی صورما .
مقدده بولتمشدر .

خسته هجران


اوج بیق آیدن بری روحاً تبدلات
جدیه ایچنده قالمش ایدی . کاه کیچهلری
یارجان اییدیندی و جودوی کله جک دیه
پنجه اوکلرنده بکلر ، کاه صباکلری بر
خبر آیرم فکریله اوتیه برویه آدم بوللار .
فقط تشبثنده موفق اوله مدینی حس
ایده رک ایچله نیردی .

بو حس مخصوص ، بوانه مالک انتظار
آنده برنوع ملال حصوله کتیردی . نظر
صافی اغبرار قلب کی بر عارضه عصیبه
اوزرینه سونوک سونوک انکسایه باشلادی .
دماغ تازه سی ، درلو درلو مطالعاته مقرر
اوله رق یواش یواش اندیشه لر ایچنده
قالدی ؛ وجودی روحک اضطرابات
حاضرهنه اشتراک اییدیکندن غریب فقط
تأثیری بطی برضغه دوچار اولدی .

فصلکی ناسفته مانسی

زمان اولوردی که اونظر صاف ،
تخیلات شدیدسی آره سنده هان کیتدیجه
غائب اولمغه باشلایان بر چهره نی کورور .
بر مدت جزئیه ایچون مسرووانه تماشایه
طالارکن اوخیال بشوش ، بردنبره سوز .
فقط بر اثر نوظهور براقه رق مطالعاتی
ایچون برره کدر لطف آچاردی .
زمان اولوردی که او دماغ نازه ایلمک
لیل زفاتی تفصیلات مسعدت ناسیله برر

برر چشم معنویسی اوکنه کتیره رک حیات
سابقه نیک حس ووجدان اوزرینه عطف
ایندیکی تأثیرات تسلیت کارانه دن متهیج
اولور ، حد هجرانه یا قلاشیر یا قلاشماز
در حال تغییرات اساسیه اوغرا به رق کوز .
لرئی محزونانه بر صورتده ایندیره رک دم
هجرائی دوشونوردی .
زمان اولوردی که او وجود نازک و قلیه
مظهر اولدینی در آغوشلرک تضییقات



مسعودانه سی حس ایدر کی اوله رق
اختلاجات و تزلزلات عصیبه اوغرار .
فقط شمعی قالدینی تمادی اضطرابدن
آکلایه رق بردن بره قالفار آشاغی یوقاری
کزر ایدی .

نه چاره ! بودم انتظار اوزادی .
کون ، هفته هفته سی ، آئی ایکی اوج
اولدی . بنه اوپرستار امل ، آئی بوله مدی .
آرده صروده خبر آیر ، براز امیدوار
اولور ، فقط اوامید بر قاج کون سکره
محو اوله رق بنه عذاب قلبه طالار .
اضطراب تمادی ایتدیجه ائتلاف حصوله
کلدی . بوانتلاف آنده بر تسلیت غیر
منتظره پیدا ایدرک ستمکارانه انعطافلرده
تظلمکارانه مکالمه لرده ، محزونانه طورلرده
بولنور ایدی .

نه اولدیه اولدی . او وجود بوسدمه
هجرانه تحمل ایده مدی . کوندزلری شداند
انتظار ایچنده ، کیچهلری ظالمانه خلیالرده
بولنه بولنه رنگ روی آندی . حتی اندام
دلارانی تماماً کوسترن آینه به باقارکن یک
زیاده دیکشمش اولدینی آکلادی . اوت .
دیکشمش ایدی .

اولکی طرفلر ، منتظم کیسولر شمعی
کلشی کوزل صورتده سرنازکی اوزرینه
قونولش ، صاریشین حلقه لری بر وضع
پریشان آلهرق کوچک قولقلری ، دوز
بیاض آئی شقاقلری اوزرینه دوشمش ،
ایچه قاشلری برزدها سوزوله رک بر زمانلر
کمال نشسته ایله سوزولان الاکوز اوزرینه
دوشمش ، بناقلرنده کی او حمرت لطیفه
طاغیله رق ایچه دوداقلری آغارش ، فقط
آتشین بر نفس آرده صروده او جمع
لذائدی . اوناقل حسباتی یا قارجه سنه ایچه .
اوافق قابوقلر پیدا ایتمش ، کوزلرینسک
کناری هان بللی اولیه جق درجه ده سیا .
همتراق بررنک باغلایه رق چهره سنی محنت
قلیه اربانه مخصوص بر منظره یه صوقش
ایدی .

نه اولورسه اولسون محزونیت قلبه
اوزرینه تغییر بزر اولان او چهره ده بر

بقیه ملاحظه . نکمیان آمال کی طور درق
خزن ایله جمالك بر مسابقه غیر منتظمه سنی
ارانه ایدیور . او صدای مهتر ، او ادای
تکلم ، او وضع افاده . او یاک و بال تحریف
او وضعیت سر ، او جنبش ابرو ، او حرکات
سینه ، او علائم لطیفه و وجهیه تناسب طبیعی
زنانه عونه خلقت اوله جق کبی مؤسس
کورنیوردی .

بر کون باشنده اوفاق بر آغری حس
ایتدی . بو آغری آلدینی بر خبر مؤسف
اوزرینه ایدی . بولم ، او سر الم پروری
براز دها اوزونجه یتاغه دوشیردی .

انسان بو خزن مجسم ملیحی کورونجه
آجیر . بر سوز آنک شفا ساز قلبی اوله .
جق درجه ده مؤثر در . بر چهره آکا
هر درلو آلام قلبیهی اونوتدیرر ، بر
معامله عاشقانه آتی ینه پرستار امل ایدر .
آقسام اولدی . او طهده یانان موم
کوزرینه صارمتراق کوروندی . او
حجره یار غریب بر منظره سیاه ایله
کوروندی . کندی کندینه حسب حاله
طالیدی . تظلماتی آره سنده :

— بی سومه دیکنی بیلیرم . فقط تحمل
ایله آکا غلبه چالمنی آرزو ایتدم . او ،
ایسته دیکنی یرده کزر ، بن بوراده الم
هجری چکرم . خسته اولورم . خاطر می
اوسون صورماز . پکی . بونی ده چکرم .
فقط ندامتی کورم بدن اولورسه م او
زمان مجزون مجزون ابدیته کیده رم .
دیوردی .

همان طایوردی . اوک قیوسی بردن
بره چاندی فراش اضطرابی ایچنده بر کره
صیجرادی . قولانغی خیلی زماندن بری
او ضربیه آیشمش ایدی . طوغر وولدی
اطرافی دیکله دی .

مردیونلردن قوتلی قوتلی چیقان بر
ایاق تا او طه قیوسه قدر کلدی .

زواللی خسته ! او آنده حس ایتدیکی
سروری یکمدی یتاقدن طیشاری به
قیرلادی . لکن بیلمدیکی بر حس سائق
اوزرینه قانیه اوطوردی . دکر کپوکی

رنکنده باغلا دیفی قیرینی بر آند
دوزلندی . او چهره آرتق طرهلر ایچنده
دکل ایدی .

قیو آچیلدی . بریسی صالبتیلی بر
صورنده بوزیریه رک یاسه قدر کلدی . ادای
عیاشانه ایله :

— خام جف . نه بایورسک دبه صوزدی .
قادرین بو طور استفساری دخی حسن قبول
ایده رک :

— سزی بکلورم دیدی .
بوکنج مختل الرو حدر . یوزی ، کوزی
قب قرمنی دوداقرلی یانیق ، صاچلری
پریشان ، اوستی باشی پزمرده بر حاله
ایدی . قادینک کو ستردیکی وضعیت
محزونانه دن اغتیا بک نه درجهیه قدر موجب
کدر اولدیغی آکلادی .

اعتراف جرم ایتک ایسته دی . فقط
موفق اولمدی . بر کره تکمیل مظالمی
اونوتدیره جق درجه ده ابتدا ایدره ک محتاج
تسلیت اولان او محب وجدانی ، تسلی کارانه
نیاز لرله کندینه یالوارندی .

صبح او خسته هجرانی ایشمش ، او
روح رنجیده بی صلاحه تقریب ایش اولدیغی
حاله بولدی .

احمد راسم
ترسانه عامره نک احوال تاریخیه سی
و
درت یوز الی سنه ک ترقیاتی

اساس مصون الاندراس سطوت
استیناسی بونجه عصر لردنبرو جهانگیرانه
بر صورتده مؤسس اولان دولت معظمه
عثمانیه نک دور تاسیسی ایله بر شناور دریای
پسالت اولان مجاهدین عثمانیه نک مبادی
تشبثات بحریه لری پیش نظر تدقیقه آلدقده
شهزاده عالی نژاد غازی (سلیمان پاشا) نک
تحت قومانده سنده کی شجاعان عثمانیا نک
صالحر ایله آسیادن اوروپایه وقوع اولان
صولت بهادرانه لرینک ۷۵۷ سنه هجریه سنده
وقوعه ککش و اوچ سنه صکره شرق

ایمپراطورلرینک آوروپا ساحلنده ستا .
نیولدن صکره یکانه موقع بحر یلری اولان
کلیولینک دست صرامت بیوست اسلامیا نه
یکمسیله لوی فوز احتوای عثمانیک اوروپا
دول بحریه سی طرفدن طانلمش ولدیغی
اکلا شیلور .

بعض مؤرخلر عهد سلطان عثمان خان
غازیده مرمره ده بحرأ بعض حرکات حریبه
اجرا ایدلیدیکنی یازمردق سلطان ارخان
غازی دورینک سردار نامداری اولان
شهزاده سلیمان پاشانک آسیادن اوروپایه
یکمسی وقعه مهمه تاریخیه سنی تشبثات
بحریه مزک مبدئی اولق اوزره قیبولدن
غفلت ایلمش لردکه تاریخ بوفکرک بطالاتی
اثبات ایدیور .

معلوم سدرکه بروسه شهری ۷۲۶
سنه سنده شهزاده اورخان غازینک تحت
قومانده سنده بولسان عثمانی قهرمانلری
طرفدن ضبط ایدلمش وینه اوسنه یعنی
اورخان غازینک سفردن عودتی متعاقب
(سلطان عثمان خان غازی) عازم دارچنان
اولمشیدی .

(از مید) و (هرکه) ایله حوالینک
۷۳۹ وکلیک و میخالیج و کرماستی
شهرلرینک فتحی ده ۷۳۹ سنه سنده وقوعه
گشدرکه بو اوانده قره سی ولایتده مشهور
مجلان بک حکومت ایدر ایدی . (۷۳۷)
سنه سنده انک وفاتی وقوعه بولورق بیوک
اوغلی مقامه کچمشدرکه مؤخرأ مملکت
مذکوره دخی ضبط اولنوب شهزاده سلیمان
پاشا والی نصب اولمشیدی .

ایشته مرمره نک آسیا ساحلنده واقع
اولان اشبو مواقع بحریه نک فتحندن اول
عثمانیلرک بحرأ حرکات حریبه اجرا ایش
اولدق لرینه احتمال ویریه مز .

تاریخلرده تصادف اولنان بر قاچ کوچک
وقعه بحریه نک ایسه اورالرک فتحندن اول
قره سی ولایتده تمکن ایش اولان امرای
سلجوقیه جانبندن اجرا ایدلیدیکنه اشتباه
یوقدر . عثمانیلره دکرده جولان ایتک
فکری سواحل بجرده واقع شهرلرده

توطن ایتدکن ودها طوغریسی شهزاده
سلیمان پاشانک قره سی ولایتیه والی تعیین
اولدق دن صکره ککش اولدیغی بر حقیقت
محضه تاریخیه دز . (۸۵۷) سنه سنده استا .
نیولک فتحنده دکره چیقاریلان دوغما بر
عصرلق مساعی ، متادبه نک نمره سی ایدی .
فتح قسطنطنیه دن اول دخی عثمانی دوغما .
سنک مجتمعا حرکات حریبه اجرا سنده
بولدق لرینه دائر صحائف تاریخیه بر قیده
تصادف اولنه من . مرمره ده بولنان اطهره
اجرا اولنان آقینلری عثمانی دوغماسی
سفرلری میاننده تعداد ایتک خطیاتی
تاریخیه دندر .

الحاصل (ابو الفتح سلطان محمد خان)
بعدا لفتح دوغمای هایونی خلیجه آلدقده
شمدیکی دائره بحریه نک یرینه بر مسجد
شریف بنا ایتدروب سفن شاهانه نک بو
موقعدن اعتبارأ شمدی موجود اولان
ترسانه ساحله باغلامسنی تسبیب بیورمشلر
ایدی .

دوغما نک بو ساحله باغلامسنی وامر
تعمیر و جدیدلرینک بوراده اجرا قانمسی
بو جهنک معموریتی مستلزم اولمش وقاسم
پاشا و جواری هب بوندن صکره تاسس
ایتشدر .

دور سلیمان قانونیده کلان قبودان
پاشالر حضرت فاتح ابوالغازینک بنا ایتدیکی
مسجدک اطرافه دائرأ مدار بر دیوانخانه
کیر بنا ایتدردکاری کبی شمدیکی ترسانه
ساحلی اوزرنده کوز آلنلری و مخزنلر
و مؤسسات سائره وجوده کتیرمشلر ایدی .
علی الخصوص بیوک پیاله پاشا قبودانلی
زماننده بحریه بارونخانه سنی و جوارینه
کندی نامیله یاد اولنان جامع کیری بنا
ایلمش ایدی .

بعض مورخلر ترسانه عامره نک تاریخ
تاسیسی سلطان سلیمان قانونی دورندن
اعتبار ایشلر ایسه ده بصورت مقارن
حقیقت دکدر . دیوانخانه جامعک جناب
فاتح دورنده بنا اولمسی و بحر سیاه سواحلک
فتحندن عودت هایونلرنده سواحل مذکو-

ره نک انشآت دستکاهلرنده مشاهده
ایتدکاری کیرلر اندازه سنده و ۳۷۰ طونه
جسامتنده یالی کوشکی ساحلنده انشا
ایتدردکاری تکه دریا به تزیل اولنور
ایکن یاغله بوندن صکره کمی انشاسی
ایچون شمدیکی مطبعه بحریه پیشکاهنده کی
(زندان اوکی) نام محکم انتخاب قانمسی
ودور قانونی به کلنجه به قدر ۶۹ سنه ظرفنده
بو ساحله یک جوق کیرلرک انشا ایدلمسی
کبی حقائق تاریخیه دلائل باهره سیله ترسانه
عامره نک تاریخ تاسیسی دیوانخانه جامع
شریفک تاریخ بناسندن اعتبار اولتی لازم
کلور .

ایوم ترسانه نک ایکی نهایتی تحدید
ایدن دیوانخانه ایله قوش قونمز مسجدلرینک
ابوالفتح سلطان محمد خان دورنده نه فکر
علوی به استادأ بنا قلندق لرینی نظر امعانه
آلقدن غفلت ایدن مؤرخلر اغارب غرا .
شیدندرکه بو ساحلک دور عالی قانونیده
کسب معموریت ایتدیکی ایامی ترسانه ایچون
مبدأ تاریخ اتخاذ ایتک ایتدورلر .

واقعا شمدیکی ترسانه نک داخل و خا-
رجنده کوزه چاریان ابنیه قدیمه ایله مزار
طاشلری اوزرنده کی تاریخلر هب دور
قانونیدن صکره در . فقط بو تاریخلر محل
مذکورک او دورده ترسانه اتخاذ اولدیغنه
دلیل اوله مز . یالکر فاتح مسجدینک
اطرافه عهد قانونیده بر بنای جسم ایله
بر دیوانخانه یاییلمش وقاسم پاشا محلاتی ایله
مسجدی ایسه (۹۳۰) ده تاسیس قانمشدر .
بارونخانه ، یتیم قبودانه مخصوص
مخزنلر ، شاه قولی قیوسی وسائر مؤسسات ده
دور قانونیده وجوده کلشدر .

قدیم زندانک قبل الفتح کذران ایلیان
ازمنه عتیقه آثارندن اولدیغی دروننده کی
معبدک (سنت یاولو) دیه یاد اولمشندن
مستبان اولیور . اورادکی مسجد شریف
ایله حمام ایسه (سلطان یازید ثانی) دورنده
علاوه قانمشیدی . ترسانه آرقه سنده کی
خاص باغچه قورولنی ده قبل الفتح وجود
ایدی .

بوکونکی کون ترسانه عامره دروننده
بولنان ابنیه قدیمه دن (زندان اوکی) دیه
شهرتیا ب اولان میدانده کی فوقانی جامع
شریف و آرقه سنده کی چشمه دور سلطان
احمد نائده ۱۱۱۸ سنه سنده بنا و آلتیه
قیودانلره مخصوص او طهلر انشا ایدلمشدر .
خاصکوی قیوسی اتصالیده کی ترسانه سرایی
و جواری بو دورده تعمیر و تجدید اولمش
و حوض قیوسی جواریده کی ارازا انبار .
لری ۱۱۰۶ سنه سی بنا قانمشدر .

پاروق قیو جواریده کی مخزنلر عهد
سلطان محمود اولده یعنی ۱۱۶۸ سنه سنده
بنا ایدلمش وقاسم پاشا قشله هایونی دور
سلطان مصطفی خان نائده جزایرلی غازی
حسن پاشانک قیودانلی ایامنده وجوده
کتیریلوب دولاب ایله جر اولنان کبیر
ماچونه دخی بویامده مرکز اولمشدر . موقع
مذکورده مقدا قالیونلر رسن بند
اولدیغندن الان قالیونلر وراسی دیه یاد
اولور . بوراده متعدد کوچک ماچونلر
موجود اولوب اوزمان سفن هایون محل
مزبورده دونادیلور ایدی .

قیودان مشارایه ۱۱۹۲ سنه سنده
زندان آرقه سنده سیوری قوز مسجدی
جوارینده بر عالی قوناق و بر حمام بنا ایش
ایسه ده ۱۲۳۷ سنه سنده کی حریق کیرده
مخترق اولمشدرکه بو حریق اتناسنده برده
فرقتین یانمشیدی .

ساقز بوغازنده روسیه لیره قارشو
اولان محاربه سی و چشمه وقه سندن صکره
لبنی جزیره سنی استرداد ایچون اجرا ایتدیکی
تشبثات بهادرانه سی اوزرینه قبودان دریا
اولان مشارایه جزایرلی غازی حسن
پاشانک اون آتی سنه جانبیارانه چالیشه رق
دوغمای هایونی تکرار روسیه لیره مقاومت
ایده جک بر درجه ده قولندیرمش اولدیغی
وبو مجاهد نامدار بحرینک افکار عمران
پرورانه سی علویت مقاصد جنک جوایه .
سندن دون بولمدیغی ایوم مشهود اولان
آثار ایله ثابتدر .

شمدی بحریه خسته خانه سی بولنان

موقعه بر عالی قوناق بنا و جوارینه بر چشمه ودها بر طاق آثار خیره انشا ایلمش ایدی که محل مذکورک الیوم (پاشایقوشی) میله یاد اولنسی کندوسنه نسبت ایلمسندن ناشیدر .

دور سلطان سلیمده قبودان دریا اولان کوچک پاشا بو قوناقی مجدداً تعمیر و ترمیم ایتدیرمش و دور سلطان محمود خان عدلیده فسخ اولنهرق برینه کار کیر بر (مکتب فنون بحریه) انشا قلنمشدرکه هکبه لی آطه ده کی (مکتب فنون بحریه) بو بنادن انتقال ایتش ایدی .

کوچک حسن پاشا زماننده تیرکو کوکرته قشله هایونیه جوارنده کی مسجد و دار اغاجی دینسلان ریختم و مقابلنده کی « مخزن سرب » و ماچونه آلتده ساحل بو بجه موجود اولان مخزنلر بنا اولنمش و برنجی حوض حفر اولنهرق اطرافنده بر طاق تأسیسات نافع و موجوده کتیرلمش ایدی .



صوک موده

قره آغاجده ابراهیم خان زاده لر ساحلخانه سی دینلمکله معروف ساحلخانه باغچه سندن اون بیک ذراع بر آلنوب دروننه شالوبه اعمالنه مخصوص یکرمی کوز آتی بنا اولنمشیدی که آلان آناری باقیدر . خاص باغچه دروننده بر قصر دلکشا بنا و خاص کوی طرفنده واقع عتیق ترسانه سرانی هدم اولنهرق بری ترسانه به الحاق قلنمش ودها کچنلرده فسخ اولنان حده خانه کوشکی ترسانه سرانی اولوق اوزره یابلمش ایدی .

عهد سلطان محمود خان غازیده واپور سفاتی موقع استعماله کلوب ترسانه عامه ده اعمالات حدیده به احتیاج مس ایتش و بیک ایکی یوز قرق برده اوزره حوض حفر اولنهرق جوارینه برده قصر هایون بنا قلنمشیدی .

جلوس هایونلری اولان (۱۲۵۵) سنه سندن مبدأ جلوس حضرت عبدالعزیز خانی اولان ۱۲۷۷ تاریخنه و دور خاقان مشار الهدن مجدد دولت عنوان ابدی الاشتهاری جمله اوصاف مقدسیت اتصاف خلافتنا هلیرینه مضاف اولان خاقان البرین و البحرین ولی نعمت بیتمیز پادشاه فاروق خصات اندمن حضرتلرینک غبطه رسان اعصار وازمان اولان عهد جلیل ترقیات دلیل شاهالرینه قدر حصوله کلان ترقیات ایله دور دلارای حضرت ولی نعمت بیتمیزه ساحه آرای شکران و محمدت اولان ترقی و اعتلای بحری عثمانی علی وتیره الابحار تنمیق و تصویر ایتزدن اول عهد عالی عبدالحمید خانی ایله دور حضرت عبدالعزیز خانیسه وزمان بدائع اقران حضرت خلیفه اقدس و اعظمده (قبودان دریا) و (بحریه ناظری) عنوانلریله اول مسند عالی به کلش اولان ذوات کرامک اسامیسنی بروجه زبردج و تریب ایتک لازمه دن کورلمشدر :

عهد سلطان عبدالحمید خان غازیده قبودان دریا اولان ذوات :

Table with 2 columns: Name and Date. Names include محمد سعید پاشا, طاهر پاشا, خلیل رفعت پاشا, محمد علی پاشا, خلیل رفعت پاشا, محمد علی پاشا, سلیمان پاشا, محمد علی پاشا, محمود پاشا, حسن رضا پاشا, محمود پاشا, خلیل رفعت پاشا, محمود پاشا, محمد علی پاشا, محمد پاشا, محمد علی پاشا.

(مابعدی وار) جریده بحریه دن منقولدر

شئونات

شمندوفرلرده بولجیلر اکثریا ترنک توفیق ایدمکی موقفی سراق ایدرلر واکلامق استرلر . بولجیلره بو موقفلری بیلدیرمک ایچون یارس ۸۹ سرکیسنده زواری نقل ایدن دو قوویل خطی و اغونلرنده بر لوحه وضع اولنمش ایدی . انکلیز شمندوفر قومانیسه لرندن بری بو اصولی قبول ایتمشدر . هر و اغونده بر لوحه بولنیور و تری اداره ایدن قوندوقور بر مانوله بی چورمکله تکمیل و اغونلرده شمندوفرک ایلمک توقف ایدمکی موقفک اسمنی بولوحده بر اشارتله کوستریور . اسقویجا مهندس لرندن بری بو اصولی اصلاح ایتش و هر و اغونک آت طرفنه موضوع بر مانوله بول اوزرنده و موقفلرده تریب اولنه حق بر یایه تماس ایدنجه کند یلکنندن و اغون ایچنده بر لوحه اوزرنده حرکت ایدن ابره بی چوروب بولجیلره قطارک موقفی و قطع ایتدیکی مسافه بی بیلدیره چکدر .

المانیا اردولرنده ضابطان آرہ . سندن آریجه ترجمانلق وظیفه سنی ایفا ایتک اوزره بر صنف تشکیل اولنه چقدر . حین حاجتده وزمان حریده ترجمانلق وظیفه سنی ایفا ایدمکی اولان ضابطان

بو صنفه بالامتجان قبول اولنه چقدر . روسجه و لهجه بیلیمک شرقی المانیا اردو . لرنده ترجمانلق ایدمکی ضابطانه و فرائضجه عمومی ایچون مجبوریدر . هر بش سنه ده بر ترجمانلر یکیدن امتحان اولنه چقدر . بو اصول انکلتره ده یک چوق ازماندیری موجوددر . انکلتره حکومتی بالخاصه مستملکاتنده بولنان ضابطانک السنه مختلفه یه و قوف کسب ایتلمی تأمین ایچون لسان اوکرن ضابطانه مکافات تقدیه تخصیص ایتش و بو ضابطانک نظریاتی تطبیق ایچون ممالک اجنیه یه سیاحتنده ده تسهیلات کوسترمشدر .

ایتالیاده جنوره جوارنده شدتلی بر فورطنه وقوعه کلرک بو جیوالی بی ۶ تشرین اول تاریخنده سیلار باصمشدر . بیزانو دره سنک صولری طاشمش و جنوره ده کشاد ایدلمش اولان قولومب سرکیسنک دائره لرندن بر قسمی استیلا ایدرک خیلی آثار مقبوله بی رخنه دار ایتمشدر . شهرک اشاغی محلاتندن بر قسمی صولر التده قالمشدر .


بیشوقه یام اسمنده بر ذات فرانسه انجمن قدوننه فرص قمرک بو سنه اغستو . سک ۳۱ نجی کونی اخذ ایتدیکی بر فطوغرافی تقدیم ایتمشدر . بو رسم



صوک موده

اوزرنده بنا طاع فتحه نری اولدیغه محقق صورتده قرار ویر بان مدور فتحه لرک اطرافنده انجق طاغلردن فوران ایدن لاولرله و مواد مذابه ایله حاصل اوله . بیله چک بر طاق ایزلر کورلمکده ایتش . موسیو فای اسمنده کی هیئت شناس مشهور علم طبقات علماسنک بو خصوصک تدقیقه اشتغال ایتسی لازم اولدیغی سویلمشدر .

ایکی تخمین بری برینه ربط ایچون عادی چیونیک معاوتی اکثریا کفایات ایتز . یقینده ایجاد اولنان کوچک چلیک بر نوع اگی چیوبلرک بو خصوصده یک چوق فائده سی کورلمشدر . بو چیوبلر بر طرفی قلیچ دمیری کبی کسکین ویلا . نقاوی شکله برر پارچه دن اولوب یکدیگرله برلشدره چک ایکی تخمینک حد فاصلنه عموداً کسکین طرفه طوتیلور و چاقیلور . بو ویلا نقاوی چیوبلرک ایکی تخمین عادتاً بورغولی ویدارله طوتدیرلمش قدر قوی صورتده بری برینه ربط ایتدیکی بالتجربه کورلمشدر .



برلینده اخلامور آلی جاده سی

نیویورک بلدیہ مدیری شهر مذکو - رده تاسیس اولنه حق یاستور دارالنداوینسک ایلیک طاشنی وضع ایتمش و بورسمده ایراد اییدیکی نطقده تلقیح اصولنک قولرایه قارشو فائده عظیمه سی اوله جفندن امید وار بولدیغنی سویلمشدر .

۱۸۹۱ ده بتون التون معدنلرندن اخراج اولنان التونک مقداری ۱۸۸,۵۳۱ وکوشک مقداری درت بحق میلیون کیلوغرامی بولمشدر . بو مقدار هر سنه تراید ایدیور .

حقوق غزته لری انکله ترده رؤیت اولنه حق غریب بر دعواند بحث ایدیورلر . لوندره حیوانات باغچه سنده صره اوستنده بر آرمک ایدن بر مادام جیندن مندیلله یاره جزو دانی چقاریر ، چو حق لری کزدیرمک ایچون سر بست بر اقیلان قیل مادامک جزو دانی خرطومیلله یا قالار ، یوتار . قیل مقی تریدیلرله جزو دانی پارچه پارچه اعاده ایدر ، مادام ضایع اولان یاره - سنی تضمین ایتمیرمک ایچون اقامه دعوا ایلمشدر .

اسویچر ده ۱۸۹۱ سنه سی ایچون ترتیب اولنان وفیات جدولده مشروبات کتولیه نیک تاثیر و خیمی عیاناً کورلمکده در . عموم وفیاتک اون بشده بری محضاً عشرت دن ایلر و کلدیکی بو جدولده کوریلدیور . اک غلبه لک اون بش شهرده سنلری یکریمی متجاوز اشخاص آرمه سنده وقوعه کلن ۶,۸۸۵ و فیاندن ۵۹ ی قادین ۳۶۶ سی ارکک اولمق اوزره ۴۲۵ وفاتک محضاً اسپرطو تاثیریلله اولدیغنی آکلا - شلمشدر . . . عادتاً اسپرطو ایله بر تسمم بطیء دیمک اولان شو حال اک زیاده عمله و چفتیجی صنفنده کورلمکده در . بلای عشرتک هیئت اجتماعیه نه قدر ضرر ویردیکی بو استاتستقندن ده اکلاشیلیر .

آرابه لری توقیف ایچون شمدی به قدر استعمال اولنان باصقیلر بک محذوری ایدی . آرابه جی ده حیوانلرک یولارینی چکوب توقیف ایتمک اقتضا ایدن بر صیره ده تلاشله بو خصوصده مسامحه ایدردی .

شمدی آرابه لری توقیف ایچون یکی ترتیبات یاپلمشدر . آرابه جی نام ایغانک الته تصادف ایده جک بر قدمه باصه حق و بوراده بر نوع جاری ایته رک تکرلکله تماس ایتمیرمک و آرابه نی توقیف ایله - جکدر . آرابه جی ایغانی قالدیرنجیه آرابه به سینه سرعت سیری و برلمش اوله حق . قوللانلمه سنده سهولت بولمق حسیلله بویولده توقیف ترتیباتک شهرلر ده چاق و چیکه مک تهلمک سنک اوکی آلمق ایچون بتون آرابه لره تعیم اولنه جنی امید ایدیور .

المانیا و اوستریا سواری ضابطانی بیلدرده ویانه ایله برلین آرمه سنده بر ات یاریشی ترتیب اولمشدر . قطع اولنه حق مسافه ۷۰۰ کیلومتره ایدی . بو مسافه نی یتیش بر ساعت ۲۵ دقیقه ظرفنده اوستریا ضابطانندن ملازم شتارنبرغ قطع ایدرک یاریشده برنجیلکی قرانمشدر . مکافات اوله رق ۲۵,۰۰۰ فرانق ایله المانیا امپرا - طوری حشمتلو ویله لم طرفندن بر هدیه به نائل اولمشدر .

فاره لرک اک ماهر بر کیمیا کر قدر تره یاغنک خالصی مخلوطندن فرق ایتمک لری وقعه آتیه کوستریر : جواهر متفقه آمریقا کیمیا کرلرندن بر ذاته تحلیل ایچون مختلف نوعده تره یاغاری ویریلیر . بو ذات یاغاری آری آری بر کویچک چناغه قویه رق کیمیاخانه سنه دیزر . ایرتسی کونی اون ایکی چناق یاغدن اوننک فاره لر طرفندن بیلوب ایکسینک بر اقلدیغنی کوریر و حیرته قایلیر . بو ذات تحلیل ایله اکلا رکه فاره لرک بدیکی یاغ ل صاف اولوب بر اقدقاری ایکی چناق اینی تره یاغی دکلدر . ابتدا بو حالی تصادفه حمل ایدوب متعدد تجربهلر یایمش و فاره لرک تره یاغی بدکلری حالده بوکا مشابه مارغارین جسمنه التفات کوسترمدکلریی اکلامشدر . فقط خالص تره یاغی بوله مزلسه فاره لر مارغاری ده بیوزلر ایتمش .



پرنس فردینان دو هو هنرولرن

و پرنس ده دیمبورغ

رومانیا قرالنک برادرزاده سی ردینان دو هو هنرولرن تقریباً اوج آی قدر اقدم دوق ده دیمبورغ کریمه سی وانکله تره قریچه سنک حفیده سی پرنس ماری آلکساندرا و یقوریا ایله نشاشلامش و بر ایکی به قدر رسم ازدواجلرینک اجراسی مقرر بولمشدر .

پرنس فردینان ۱۸۶۵ سنه سی اغستوسنک ۲۴ نده سیغمارینکنده تولد ایتمشدر . پرنس فردینان المانیا امپراطو - رینک منسوب اولدیغنی هو هنرولرون خاندانک دیگر بر قولنه منسوب وینه بوخاندان اولان رومانیا قرالی شارلک برادر زاده سی در .

نشانیسی پرنس الکساندرا ویتورینانک اطوار نازکانه سی وفضائلی ستایشله یاد اولنقده بونکله برابر شطارتی ، عموماً صنایع نفسیه مهراقی ، خاصه موسیقی ده فوق العاده مهارتی روایت ایلمکده در . تولدی ۱۸۷۵ سنه سی تشرین اولنک ۲۹ نده در . پدری دوق ده دیمبورغ انکله تره قریچه سنک مخدمیدر .

نشانیلرک بونسخه درج ایتمکمز رسم صوک فطوغرافلرندن یاپدرلمشدر .

تابلو - اعلا طور پلرم وار !

هیئت اجتماعیه ایچنده اصنافک حالی دائم پیش انظارده بولدیغنی ایچون لاقیدانه کوریلور . فقط ندقیق احوال بشریه ایله مشغول اولان رومانجیلر ، فیلسوفلر اصنافده نیچه شایان تحریر حاللر ، طورلر بولمشلر ؛ رساملرک نظر مدققانه و صنعتکا - راه لری ایله صورت معیشت اصنافده ترسیم و تصویره لایق نیجه لوحه لر میدانه چیقارمشلر در . صباحلین ایرکن قالمقغه بر باغچوان کبی بیک درلو امکله بش اون

پارچه طور ب بتشدیرمیکه ، بونی طویللمغه ، سوقاق سوقاق دولاشه رق ، اعلا طور پلرم وار ! نداسیله مشتری جلب ایتمک بولمغه چالشان ، بوندن قزاندیغنی اقوام بومیه ایله بر عالمه کچدیرن بر قناعتکارک حالی شایان ندقیق و تصویر دکلدر ؛ اصناف هیئت اجتماعیه نیک احتیاجات بومیه سنه خادم اولمقغه برابر ظاهرده بونلرک احوال و مشاعلی اهمیتیز کوریلیر . فقط هیئت ده موازنه حاصل ایدن بوغیور صنف در . اعلا طور پلرم وار ! نداسنده منادی ایچون یالکیز بر نانپاره تدارکی قصدی منده یج ایسه ده بوندانک واصل اولدیغنی بر سمع دقت صاحبنده موازنت حیات و تأمین معیشت ظلملری او یاندیرر .

خصکی نسا خسته خانه سی

سایه مرحتوایه جناب خلاقیناهیده نوبنو ساحه آرای حصول اولان مؤسسات خیریه میاننده شمدیکی حالده برنجیلک شرقی احراز ایتمش اولان بر بنا وار ایسه اودخی بعض انشآت نافع ایله تجدیدینه همت بیوریلان خصکی نسا خسته خانه سیدر . اشبو خسته خانه نیک صورت تشکیلی اوزوبا دار التداولبری قدر فوق العاده اولوب دروننده هر نوع مرضه مخصوص آری آری قفوشلر بولدیغنی کبی صورت منتظمه و مکملده انشا ایلمش بر عملیاتخانه و بر آلت تجریه دخی موجوددر . هله بهر قفوشک نظافت و مکملاتی جراً شایان تشکر درجه ده در .

اخیراً فرانسه حکومتی طرفندن

مؤسسات صحیه عثمانیه نی نقیش و تحقیق ایچون در سعاده مواصلت ایتمش اولان ایکی دوققور خصکی خسته خانه سی زیارت ایتمکلری زمان فوق العاده نمودیت بیان ویا لکیز نفس یارسنده بر قاج خسته خانه ده موجود بولنه بیان صارغی بزلی کبی لوازم صحیه نیک موجودیت واستعمالندن طولانی اظهار حیرت ایتمشدر در .

رسممز سر فوطوغراف حضرت

شهریاری عزتلو عبده برادرلرک فوطوغرا - فندن یاپلمش وویانده شمیغرافی اصولیه حک اولمشدر ؛ عبده برادرلرک فوطو - غرافلری میاننده خسته خانه نیک درونی ارانه ایلر بر رسم ده واردرکه صره سی کلنجه غزه مزه درج ایدرز .

صوک موده لر

ثروت فنونک کچن نسخهنه پارسک اک مشهور مغازه لرندن بری اولان وورت مغازه سنک صوک موده به موافق ماتولرینی کوستریر بر رسم درج ایتمش ایدک . بو نسخهنه ده ایکی موده رسمی قونیلدی . بری کوزل و صوک موده بر خانه ایچی البسه سی کوستریر . کچن سنه اولدیغنی کبی بوسنده توبلی ویا یپراق نقلیدی یاخود کورک نقلیدی خرجلر بک موده در . کوستردیکمز قیافتک بر آز آچیق اولان یقاسنه بوخرچدن چورلمش و قیسه اولان قولنک اغزیننه بینه بونظام قونلمش او - موزدن بشقه برده بوغوم یاپلمشدر .

اوزون انک او ایچی و سفزه تواللری

ایچون موده در . بوسنه موده اولان برده قدیفندن وتوبلی قوماشدن بیون آتقیسنه مشابه آروجه نظاملردرکه بوده صوک صحیفه قویدیغمز کویچک رسممزده کوریلدیور .

بریننده مشهور اخلامور جاده سی

ثروت فنونک ۷۸ نجی نسخهنه رسمی درج ایتمکمز (براندبورغ) قپوسندن اعتباراً (نندر دنلندن) دینان سرای قرالی به قدر سورر . بو سرانک المانجه اولان اسمی (اخلامور) مناسنده در . پیشکاهنده کی جادیه دخی اشبو سبیدن دولانی اخلامور آتی نامی طاقلمشدر . اخلامور اتی جاده سی حقیقه کوزل ، لطیف ، مزین و منتظم در .

بوراسی ده پارسک مشهور بیوک جاده لری کبی درت صره اغاج ایله مزین

ایسه ده بونلر سیرک و پیراقسز اولدیغندن جاده ده قورولق حالی یوقدر ؛ جاده شهرک غلبه لکنه کوره بک کنیش اولدیغندن ایچنده بیوک جوش و خروش مفقوددر . اصل عربه بولی درت صره اغاجک ایکی طرفنده بر اقلمشدر . بهر ایکی صره نیک آره سی قنابلرله اشغال اولمش تزهکاه اولدیغنی کبی ایکی صره نیک آره برنده قالان مسافه دخی یانلرله مخصوص بر اقلمشدر .

اغاج صره لرینک خارچنده قالان اصل جاده نیک بر طرفی بیوک دکانلر و بر طرفی ده باغچلاک قسمه حد فاصل مرمر قیسه دیرکلر و زنجیرلرله اشغال اولمشدر . اخلامور آتی اولایکی جناحندن بیوک سرایلر ، تیا زولر و جسم بنالر ایله باشلا دیغندن مغازده دن محرومدر .

اخلامور آتی جاده سی ۱۵۰۰ متره طولنده و ۶۰ متره عرضنده در .

هاید پارک

ثروت فنون ۵۸ نومرولی نسخهنه ، بوکون بر قسمنک رسمی کور دیکلر لوندره نیک مشهور باغچه سی ترین ایدن بر هیکلک رسمی درج ایتمکیزی زمان اشبو باغچه حقنده دخی راز معلومات ویرمش ایدی ، رسمک وسیله درجیله بوکون او معلوماتی تفصیل ایلورز :

هاید پارک لوندره نیک بیوک اورمانی و تزهکاهیدر . شرق طرفی ۱۵۰۰ متره طولنده و (پارک لاین) اسمنده بر سوقاقله محاطدر ؛ (پارک لاین) هاید پارک شرقی احاطه ایتمک اوزره اوقسفورت ستیرندن کنسنتغین باغچلرینسه قدر دوام ایلر ؛ بوراسی تمام ۱۵۸ هکتار اراضی سترایدر . سکزنجی هازی زماننده بو اورمانک اشجاری غرس اولمش و الیزابت زماننده دروننده کیک وقره جه اولانمقده بولمشیدی . اورمانی دائراً مادار دیمبر بر پارمقلاق احاطه ایدر ، پارمقلاقی کیچه ستر ایلرلر . هاید پارقه بیوک عربه لر کیره مز ؛



لوندروہ ہاید پارک

لوندروہ مخصوص ایک تکرارنگلی کہ پتر ایسہ انجق بر یولندہ دولاشہ بیایر . پارک اک کوزل یری شوراسندہ ، بوراسندہ کترتله بولنان صیق قورولر مستثنا ایدیلیر - سه (سرپانتین) کولنک جواریدر . لوندرونک کبار عالمی یازین بوکول جوارینه کلوب کنزر . عربہ ایله تنزه ایدنلر اقشام اوزری ورود ایلور ، اوقسفورت ستریتہ موازی اوله رق پارقدہ موجود اوزون بر یولده کنزیور ، سواریلر ایسہ وقت ظہرہ ویاخود دها ارکن ورود ایلور . هاید پارک سواریلر عالمی اوروپادہ کوریلہ جکی اومولیان بر منظرہ در . اوقسفورت ستریتہ موازی عربہ بولندن باشلوب سرپانتینہ موازی کیدرک تاکنسنغین باغچہ سنہ منہی بولنان سواری یولی ایکی طرفی یوکسک اغاجلرله محاط ، مستقیم وکنیش بر جادہ درکہ اوزرندہ آتیلردن ماعداسی کزہ مز ، یایانلرہ ممنوعدر . ذاتاً بر باشند بر باشہ قدر بو یولہ درین وایصلاق قوم دوکولمش ، آتلیک آیاقلریلہ متصل اشامش اولدیغندن یایانلر ایچون اوستندہ یورمک عسرتیلیدر .

موجود معلوماتہ نظراً هر کیجه سواری یولنک اوستندہ کی بارکیر کوبرہ - سی طوپلانہ رق طرانپور ، دها قوم علاوہ اولنوب چوقجه صولانیور فردایہ حاضر - نیورمش . (سرپانتین) کولی اسمندن

دخی اکلاشیلہ جنی اوزرہ ییلان کبی اگری بوکریدر ؛ بو کولک لطیف سا - حندن ایریلوب سواری یولنک پیشکاهنہ کندیکي زمان او یولی بر باشند بر باشہ یدی سکز صرہ احاطہ ایش قادین وارکک آتلیک تشکیل ایتدیکي منظرہ انسانی شاشتر ، اشته رسممز بو یولک اطرافنہ دیزلمش قنابلردن برینک منظرہ عمومہ - سیدر . یولک اوستی سراپا قادین وارکک سواری ایله اورتلمش بولنور ، بر طاقی کیدر ، بر طاقی کلیر . بو سواریلر صباحلری ، کندیلرینہ مخصوص اولان یولده بر قاج ساعت بر اشاغی بر یوقاری دولاشدقلمری جهتله ہیئت مجموعہ لرندن تحصیل ایدن منظرہ ایچہ سورر . کنزلیر هپ کباردر ؛ اک لطیف قادینلرله ، حسن طبیعتہ مطابق اثواب ، ایری جشہ لی قیر صاچلی وقیر صقاللی اختیارلر هپ بورادہ مجتمع بولنور ؛ یعنی سواری یولنک کنارینہ دوروب اوزونجه مدت تماشا ایلرسہ کز انکلتزہ نصل کینیرلر ، نصل اکنیرلر اکلارسکز ؛ یولده کی خلق عادتاً بر ماکنہ ایله متحرک ایش کبی

آتلیک اوستندہ کیدوب کلیر ؛ ایچلرندہ بر بریلہ لقردی ایدن یوقدر ؛ سانکہ هپسی آتلیک اکرینہ میخلانمش ، وظیفہ لری کندیلرینی دوعری طوتوب اشاغی یوقاری دولاشمقدن عبارت بولمشدر .

هاید پارقدہ صباحلری پک ارکن واقشاملری پک کیچ اوله رق معین وقتدہ غریب بر منظرہ حاصل اولورمش . بو معین زماندہ سرپانتین کولنک جناحینہ سوری ایله لوندرونک سوقاق چاقینلری طوپلانیرمش ؛ تام زمان حلول ایلدیکي کبی اورادہ کی مخصوص دیرکہ چکیان بیراق ایله اشارت ویریلیر ویرلمز تقدر طوپلانمش خلق وارسہ آن واحددہ صوبونوب ییقانمق اوزرہ کولہ آتیلیور ؛ مدت استحمام بر ساعت اولدیغندن بو مدتک انقضاسی عقیندہ همان چیقیلیور وکینوب کیدیور - لرمش زمان استحمامدہ بیراق آچیلی دورر ، ساعت منقضیہ اولنجه کول کنارندہ آدم قالیرسہ جزا نییرمش .